



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Petrus Summontius Lectori S.

urn:nbn:de:hbz:466:1-13534

[Faint, mirrored text from the reverse side of the page, likely bleed-through. The text is largely illegible but appears to contain several lines of Latin or German script.]

PETRVS Summontius Lectori. S.

Habes amice lector, præter Vraniam, Hortos, et Bicolica, reliqua omnia Pontani carmina, unū hoc in uolumen collecta. in quod nos (nequid omnino ex illius carminibus deesset) inemendata etiam quædam, nec dū perfecta, ut Eridanum, Sapphicosq; cum alijs a Pontano ipso emendatis, congeessimus. Atq; ea quidem opuscula non semel supprimenda esse cogitauimus. sed plane uidebatur impium, uenerandis tanti uiri scriptis, quem uiuum omnes merito coluimus, audaces post obitum manus inferre. Boni igitur consule, quisquis ea leges. inter cisi morte operis, inemendatiq; rationem habeas, occurre quæso qua decet æquitate calumnijs, rerum humanarum memor. Cum præsertim tot alia eiusdem extent opera, egregia illa quidem, atque exculta, quæ pro his paucis exorare ueniam uel facile possint. Quod uero ad codicis fidem spectat. Pontani ex archetypis quatuordecim hos Elegorum, Lyricorumq; libros accurate transcriptos scias, plenum sanè, atq; integrum unū quodq; opus, eoq; ordine digestum, quo archetypos ipsos Pontani manu scriptos inuenimus. Reliquum est, ut enarratiunculas quasdam, quas propter rerum nouitatem, inserendas necessario duximus, legere non graueris.

Vale.

TEMPORA Busuluniana. Petrus Busulunus Tarraconensis Alphonsi Regis Neapo. patrimonij procurator, & ob id ipsum plerisq; odiosus.

VICTORIA mater Pij Pont. Max.

TISBE nomen puellæ a Leone adamata, cuius domus propè fontem erat.

CERMENIS rupes in minervæ promontorio.

FABAE fors Regia Martinalitijs coenis, Regem forte fabæ, quæ placentis includitur creari. nota est nostri temporis consuetudo.

ANTINIANA ET PATULCIS Neapoli mons ab occidente imminet, salubritate et uillarum frequentia nobilis. in quo locus est Antinianum nomine, ubi Pontanus uillam habuit. hoc etiam in monte Patulcium est, ad secundum ferè ab urbe lapidem, in uia, cuius adhuc uestigia extant, Puteolana, clarum sepulcro Maronis, quod sæpe Pötanus sub Patulcis nymphæ nomine celebras ad Vergilium ipsum alludit.

TVMVLVS HYDRUNTINORVM CIVIVM Pontani ætate Mahometem Turcarum Regem misso in Italiam exercitu Hydruntum expugnasse, cæsis crudeliter oppidanis, nota historia. horum deinde ossa Alfonso Calab. Dux pulsus hostibus, receptoque oppido, pie sepelienda curauit.

CAIAE PVELLAE, ET BLANDIA MYMPHA. Caius, et Bladus fluy sunt Senenses.

TEBENNA, ET TANAGER. ille mos. hic fluius in Picentinis.

CAPIMONTII RECESSVS Capimontium, locus nõ procul Neapoli, in collibus urbem a septentrione spectantibus, agris, uillisque cultissimus. quæ in Francis Puderici gratiã quod ibi uillam haberet celebrat.

MERGILLINA Villa est in uia Puteolana, ad mare in Pausilypi radicibus, iuxta cryptam Neapolitanam,

quam Aetius syncerus Federici regis munere possidet.
LABVLLA riuus est q per cuniculos Neapolim in-
greditur, a labro (ut Pontano placuit) dictus, siue (ut
alij uolunt) a bulliēdo. Nō omittenda hoc loco Delioli
mentio uidetur, qui fons est in uia Acerrana, non mul-
tum Neapoli distans, Pontani & ipse armine illustra-
tus. hunc Alphonsus Calab. Dux magnificis, ex cultissē
misq; edificijs exornauit, ac Pogium Regale appel-
lari iussit.

SEBETHVS fluius toties a Pontano decantatus pro-
pe Neapo. moenia labitur. huius Vergilius, Statius et Co-
lumella memnerunt. quod quidem nomen sine .r. lite-
ra proculdubio scribendum esse sciant, qui Sebethrus
per .r. legunt. testis est (ut alia omittam) tabella mar-
morea uetustissima Neapoli in murorum fundamen-
tis reperta, quae hoc habet.

P. MEVIVS EVTYCHVS AEDICV
LAM RESTITVIT SEBETHO.

FINIS.